



**Broj: 02-50-1-16-16/08  
Sarajevo: 21.4.2008. godine**

**BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM**

**PREDMET: Obavještenje**

Dom naroda Parlamentarne skupštine Bosne i Hercegovine, na 16. sjednici, održanoj 16.4.2008., razmatrao je sljedeće:

1. Zahtjev Predstavničkog doma PSBiH za razmatranje Prijedloga zakona o nezavisnim i nadzornim tijelima policijske strukture Bosne i Hercegovine po hitnom postupku, u skladu sa članom 122. Poslovnika Doma naroda;
2. Zahtjev Predstavničkog doma PSBiH za razmatranje Prijedloga zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine po hitnom postupku, u skladu sa članom 122. Poslovnika Doma naroda;
3. Zahtjev Predstavničkog doma PSBiH za razmatranje Prijedloga zakona o izmjenama i dopunama Izbornog zakona Bosne i Hercegovine po hitnom postupku, u skladu sa članom 122. Poslovnika Doma naroda;
4. Prijedlog zakona o kretanju i boravku stranaca i azilu (drugo čitanje), predlagač: Vijeće ministara BiH;
5. Prijedlog zakona o izmjenama i dopunama Zakona o Službi za poslove sa strancima (drugo čitanje), predlagač: Vijeće ministara BiH;
6. Prijedlog zakona o izmjenama i dopunama Zakona o sukobu interesa u institucijama vlasti Bosne i Hercegovine (prvo čitanje), predlagači delegati: Ilija Filipović, Mladen Ivanić i Alma Čolo;
7. Prijedlog zakona o lijekovima i medicinskim sredstvima (prvo čitanje), predlagač: Vijeće ministara BiH;
8. Prijedlog zakona o plaćama i naknadama u institucijama Bosne i Hercegovine (prvo čitanje), predlagač: Vijeće ministara BiH;
9. Prijedlog zakona o izmjenama i dopunama Zakona o jedinstvenom matičnom broju (prvo čitanje), predlagač: Vijeće ministara BiH;
10. Prijedlog zakona o izmjenama i dopunama Zakona o ličnoj karti državljana Bosne i Hercegovine (prvo čitanje), predlagač: Vijeće ministara BiH;
11. Prijedlog zakona o izmjenama i dopunama Zakona o prebavištu i boravištu državljana Bosne i Hercegovine (prvo čitanje), predlagač: Vijeće ministara BiH;
12. Prijedlog zakona o Fiskalnom vijeću u Bosni i Hercegovini, prvo čitanje, predlagač: Vijeće ministara BiH;
13. Davanje saglasnosti za ratifikaciju Odluke o ratifikaciji „eSEE“ Agenda plus za razvoj informacionog društva u Jugoistočnoj Evropi – SEE 2007-2011;

14. Davanje saglasnosti za ratifikaciju Sporazuma između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga, Dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnerstvu za mir o pravnom položaju njihovih snaga i Daljnjeg dodatnog protokola Sporazumu između država članica Sjevernoatlantskog ugovora i ostalih država koje učestvuju u Partnersvu za mir o pravnom položaju njihovih snaga.

#### **Ad. 1.,2.,i 3.**

Dom naroda većinom glasova usvojio je Zahtjev Predstavničkog doma da se Prijedlozi zakona razmatraju po hitnom postupku, nakon čega su sljedeći Zakoni usvojeni:

- Zakon o nezavisnim i nadzornim tijelima policijske strukture Bosne i Hercegovine
- Zakon o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine
- Zakon o izmjenama i dopunama Izbornog zakona Bosne i Hercegovine. U vezi sa Zakonom o izmjenama i dopunama Izbornog zakona Bosne i Hercegovine, Dom naroda usvojio je sljedeći zaključak:

„Dom naroda PSBiH traži od Centralne izborne komisije da izradi prečišćeni tekst Izbornog zakona i dostavi Parlamentarnoj skupštini BiH na razmatranje i usvajanje“.

#### **Ad. 4.**

Dom naroda jednoglasno je usvojio Zakon o kretanju i boravku stranaca i azilu u identičnom tekstu kao i na Predstavničkom domu.

#### **Ad. 5.**

Dom naroda jednoglasno je usvojio u Zakon o izmjenama i dopunama Zakona o Službi za poslove sa strancima u identičnom tekstu kao i na Predstavničkom domu.

#### **Ad. 6.**

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o sukobu interesa u institucijama vlasti Bosne i Hercegovine sa inicijativama koje je predložila Interresorna radna grupa kao i Izvještaj o radu Interresorne radne grupe.

Dom naroda jednoglasno je usvojio i sljedeći zaključak:

„Dom naroda traži od Vijeća ministara BiH da u najkraćem roku formira novu Interresornu radnu grupu za izradu novog Zakona o sukobu interesa u institucijama vlasti BiH u kojem će učestvovati predstavnici Ministarstva pravde, Centralne izborne komisije i Parlamentarne skupštine BiH.

Ispred Doma naroda PS BiH u Interresornu radnu grupu imenovani su: Mladen Ivanić, Alma Čolo i Ilija Filipović“.

#### **Ad. 7., 8., 9., 10., 11., i 12.**

Dom naroda jednoglasno je usvojio u prvom čitanju:

- Prijedlog zakona o lijekovima i medicinskim sredstvima,
- Prijedlog zakona o plaćama i naknadama u institucijama Bosne i Hercegovine,

- Prijedlog zakona o izmjenama i dopunama Zakona o jedinstvenom matičnom broju,
- Prijedlog zakona o izmjenama i dopunama Zakona o ličnoj karti državljana Bosne i Hercegovine,
- Prijedlog zakona o izmjenama i dopunama Zakona o prebivalištu i boravištu državljana Bosne i Hercegovine,
- Prijedlog zakona o Fiskalnom vijeću u Bosni i Hercegovini.

**Ad. 13. i 14.**

Dom naroda jednoglasno je dao saglasnost za ratifikaciju sporazuma iz ovih tačaka dnevnog reda.

S poštovanjem,

**PRVI ZAMJENIK  
PREDSJEDAVAJUĆEG  
DOMA NARODA**  
dr Mladen Ivanić